

桶狭間之戰

- 1
- 2
- 3 (永祿)三年五月、義元自將三國兵四万五千來攻。十八日、大學定宗
- 4 馳使清洲、告曰「義元昨日至沓懸、今夜將運糧大高、而且攻兩城也」。
- 5 信長召將士、言曰「我欲赴救、如何」。林通勝等說曰「敵衆垂五万、
- 6 而我兵不過三千、宜避其來銳、据本城待之」。信長曰「不可。吾視天
- 7 下英雄、恃其地利、以失事機、自取滅亡者、不為少矣。先君有言「隣
- 8 国之來犯、苟有遲疑。我将士且變志、当亟出迎戰」吾不敢背先君之教。
- 9 明日將一戰決勝敗也。与吾同志者努力」。諸將莫敢諫者。信長因命酒
- 10 与飲、酒酣天明。信長自起舞、謠古謠曰「人世五十年、乃如夢与幻、
- 11 有生斯有死、壯士將何恨」。舞畢、即被甲上馬、單騎拳鞭而出。騎能
- 12 属者十餘人。比及熱田祠、得千人。自祈戰勝、陰使祠官鳴甲于龕中。
- 13 信長顧軍士曰「神助我也」。乃取山路、行收諸城兵、兵凡三千騎。東
- 14 望見兩城火起、將士逡巡。信長益鞭其馬而進。林通勝、柴田勝家、池
- 15 田信輝、毛利秀高、扣馬諫曰「彼大衆新勝、以寡兵犯之、立覆没矣」。
- 16 信長勵声曰「汝輩且聞吾言。吾非妄意進犯敵也。敵納糧大高、終夜不
- 17 息、今亦拔兩城、其兵罷極。而義元侮我、不復設備。吾乘是時、出其
- 18 不意、可一戰而擒也」。梁田出羽進贊其計曰「敵拔兩城、未更其陣、
- 19 中軍必在後。我直襲之、義元可獲矣」。信長乃伏旗鼓、循山而馳、至

- 1 于桶峽、瞰視義元營。信長欲下馬接戰。森可成曰「衆寡不敵、宜騎而
- 2 突之」。信長曰「善」。乃馬上揮槍、先衆馳下。会大雷霧雨昏黑。我兵
- 3 鼓噪、斫營而入。敵衆大驚擾亂、不知所出。服部小平太進入幕中、薄
- 4 義元。義元拔刀擊其膝。毛利秀高縱義元、斬其首而出。駿河軍大潰。
- 5 信長追擊、斬其精騎二千餘級。乃賽熱田而還。士女夾路迎觀。信長揭
- 6 義元首于馬前、凱旋清洲。大高沓懸諸城皆解走。信長以此名聞天下。
- 7

(賴山陽『日本外史』)

『素問』瘧論篇第三十五 ③

○經文

帝曰「夫子言、衛氣每至於風府、腠理乃發、發則邪氣入、入則病作。今衛氣日下一節、其氣之發也、不當風府、其日作者奈何」
岐伯曰「此邪氣客於頭項、循膂而下者也。故虛實不同、邪中異所、則不得當其風府也。故邪中於頭項者、氣至頭項而病。中於背者、氣至背而病。中於腰脊者、氣至腰脊而病。中於手足者、氣至手足而病。衛氣之所在、與邪氣相合、則病作。故風無常府、衛氣之所發、必開其腠理、邪氣之所合、則其府也」

『甲乙經』

問曰「衛氣每至於風府、腠理乃發、發則邪入、入則病作。今衛氣日下一節、其氣之發、不當風府、其日作奈何」
對曰「風無常府、衛氣之所發、必開其腠理、邪氣之所合、則其病作」

『太素』

黃帝曰「夫子言、衛氣每至於風府、腠理乃發、發則邪入、邪入則病作。今衛氣日下一節、其氣之發也、不當風府、其日作奈何」
岐伯曰「風無常府、衛氣之所發也、必開其腠理、氣之所舍、即其府高已」

●古注c.

· 新校正云、按全元起本及『甲乙經』『太素』自「此邪氣客於頭項」至下「則病作故」八十八字並無。
· 「此邪氣客於頭項」云云」以下八十八字、『外台』有。此疑古注文。

(多紀元簡『素問識』)

○經文

帝曰「善。夫風之與瘧也、相似同類、而風獨常在、瘧得有時而休者、何也」
岐伯曰「風氣留其處、故常在、瘧氣隨經絡、沈以內薄、故衛氣應乃作」

帝曰「瘧先寒而後熱者、何也」

岐伯曰「夏傷於大暑、其汗大出、腠理開發、因遇夏氣淒滄之水寒、藏於腠理皮膚

1 之中、秋傷於風、則病成矣。夫寒者陰氣也。風者陽氣也。先傷於寒、而後傷於風、
2 故先寒而後熱也。病以時作、名曰寒瘧」

3
4 帝曰「先熱而後寒者、何也」

5 岐伯曰「此先傷於風、而後傷於寒、故先熱而後寒也、亦以時作、名曰溫瘧。
6 其但熱而不寒者、陰氣先絕、陽氣獨發、則少氣煩冤、手足熱而欲嘔、名曰痺瘧」

7
8 『甲乙經』

9 問曰「風之與瘧、相似同類、而風獨常在、瘧得有時休者、何也」

10 對曰「風氣常留其處、故常在。瘧氣隨經絡、次以內傳、故衛氣應乃作」

11
12 問曰「瘧先寒而後熱者、何也」

13 對曰「夏傷於大暑、汗大出、腠理開發、因遇風夏氣淒滄之小寒迫之、藏於腠理及
14 皮膚之中、秋傷於風、則病成矣。夫寒者陰氣也。風者陽氣也。先傷於寒、而後傷
15 於風、故先寒而後熱。病以時作、名曰寒瘧也」

16
17 問曰「先熱而後寒者、何也」

18 對曰「此先傷於風、後傷於寒、故先熱而後寒、亦以時作、名曰溫瘧也。
19 其但熱而不寒者、陰氣先絕、陽氣獨發、則少氣煩冤、手足熱而欲嘔者、名曰痺瘧」

20
21 『太素』

22 黃帝曰「夫風之與瘧也、相似同類、而風獨常在、而瘧得有休者、何也」

23 岐伯曰「經留其處、衛氣相順、經絡沉以內薄、故衛留乃作」

24
25 黃帝曰「瘧先寒後熱何也」

26 岐伯曰「夏傷於大暑、汗大出、腠理開發、因遇夏淒滄之小寒、寒迫之、藏於腠理
27 皮膚之中、秋傷於風、病盛矣。夫寒者陰氣也。風者陽氣也。先傷於寒、而後傷於
28 風、故先寒而後熱」

29
30 黃帝曰「先熱而後寒何也」

31 岐伯曰「此先傷於風、而後傷於寒、故先熱而後寒、亦以時作、名曰溫瘧。
32 其但熱而不寒、陰氣絕、陽氣獨發、則少氣煩冤、手足熱而欲嘔、名曰痺瘧」

33
34 ●水寒？小寒？…『太素』『甲乙』では小寒

35 ・新校正云、按『甲乙經』『太素』、「水寒」作「小寒迫之」。

36 ・滑云「水、一作小」。馬云「當作小寒」。吳本作「小寒」。張云「淒滄之水寒、

1 謂浴水乘涼之類也、因暑受寒、則腠理閉、汗不出、寒邪先伏於皮膚之中、得清秋
 2 之氣、而風襲於外、則病發矣」。志云「風寒曰淒、水寒曰滄」。簡按、淒滄不必分
 3 風水。（多紀元簡『素問識』）

4 • 此「水」字為「小」字之誤、無疑。不特林校正引『甲乙經』『太素』作「小寒
 5 迫之」可證。：而「水寒」作「小寒」、則如氣交變大論王注云「淒滄、薄寒也」
 6 薄寒即小寒。以薄寒釋淒滄、正本此淒滄之小寒立說。又五常政大論注云「淒滄、
 7 大涼也」大涼亦即小寒之義、蓋在寒猶為小、在涼已為大矣。然則王本於此亦作「小
 8 寒」而不作「水寒」、可據訂正。（于鬯『香草統校書』）